



ГУЛШАН

(АЛДАНГАН АЁЛНИНГ АЛАМИ)

7.

У ярим тунда уйга келганида кайнонаси бахорда хам йигилмаган сандал ёнида кўлини жагига тираб пойлаб ўтирган экан. Буни кўриб, Гулшан довдиради. Уни аллакачон ухлаган, деб ўйлаганди. Бордию, кайнонаси сезиб колса-чи? Индамай уйга ўтиб кетаверса хам бўларди, аммо кизи ўша ерда. У айвонда у ер-бу ерини тузатди. Кўллари билан фотиха ўкигандай юзларини силаб кўйди. Хидоят холага карамасликка тиришиб, ер сузганича салом бериб, ичкарига кирди.

– Бунча кеч колмасангиз, кизим! Ёш болали жувон хам шунака бепарво бўладими? Шоирангиз абамни топиб берасан, деб хит килиб юборди. Йиглай-йиглай якинда ухлаб колди.

– Ўтириш чўзилиб кетди, ёлгиз ўзим туриб келавергани кўркдим, – бош кўтаролмай

гапирди Гулшан.

– Бемахал юрган аёлдан яхшилик кутма, дейишади. Эрингиз шу ерда бўлсаям гўргайди. Хавотир олавериб, хаёл неччи кўчага кириб чикди.

Гулшан индамай боласини кўтариб, эшикка юрди. Унинг хар бир кадамини божхона ходимидай кузатиб турган кайнонаси:

– Шу ерда ётиб кўяколинглар, – деди.

– Шоира каравотида ётмаса, думалайвериб безор килиб юборади, – бахона топди Гулшан.

У уйга кириб, кизини ёткизди. Кейин ўзи тошойна олдига бориб, чехрасига разм солди. Пешонасидаги хурпайган сочларини рўмол ичига олди. Ковоклари, кўзининг остлари чарчоқданми ё ичганиданми, корамтир товлаб копти. Ишкилиб, кайнонаси сезмадимикин? Ёки сезган бўлсаям, ярим тунда жанжал кўтармайин деб, индамай кўя колдими? Шуни ўйлаб юраги увишди. Гўё эри хаммасини эшитиб, адабини берадигандай кўркув босди. Яна ўзини кўлга олди, кайнонаси сезмаган, йўкса дарров юзига соларди. Одатдагидай урмайди-сўкмайди, аммо сизлаб туриб жонни олади.

Кўнгли сал хотиржам тортиб, ўзини овутишга ўтди: нима энди ўша курумсокни деб гулдай ёшлигини мухтожликда, гурбатда ўтказиб юборсинми? Эр эмиш... Ўзи шу ерда бўлса хам барибир каерда юрганини сўрай олмасди. Унинг эрлиги каёкка борарди: бошқаларга ўхшаб мундок тергамаса, суриштирмаса, рашк килмаса? Аммамнинг бузогига ўхшаб хотини нима деса кўзига мўлтирайди. Унинг бу килиги Гулшанга ёкиш у ёкда турсин, газабини кўзгайди. Ўзини камситилган сезади. Топиб олган гапи: "Севаман, жонимдан ортик кўраман, сендан ажраш менга ўлим!"

Дунё деганлари тескари курилган экан. Ўзини тутиб олган одамлар аллакачон катта-катта амалларнинг эгаси бўлишган, уйлари шохона, тагларида хам шахсий, хам хизмат машинаси, омонат кассада беш-ўн минг жамгарма. Аммо бунакаларнинг олди

элликка якинлашиб колган. Ўз тенгим деб теккан эрининг ахволи мана бу: эгнида куёвликдаги костюми, ё тўрт, ё беш марта "химчистка"га мехмон бўлган. Уй тўкилиб ётибди, машина тугул, велосипед олишга ҳам курби етмайди. Амали ҳам идорада коғоз титиб, чўт кокишдан нарига ўтмайди, шекилли. Огзани очса, балога колади: "Сабр кил, хали хаётимиз изга тушиб кетади, орзу килганингни киярсан, машиналик ҳам бўлармиз". Э, хаммаси ордона колсин! Хайт-хуйт деб, ёшлик ҳам кўз юмиб-очгунча ўтиб кетади. Хозир авжи ўйнаб-куладиган, киядиган пайти.

Кўпинча кўзгуга караб юраги шувиллайди. Хозир ўзи ҳам ёш, хусни ҳам хавас килса арзигудай. Аммо ёшлик ҳам, гўзаллик ҳам бир умрга хатлаб берилмаган-ку! Окин сувдай ўтади-кетади. Ахир дунёга икки марта келганингда ҳам айтардинг: хозир кийналсам, кейингисида яхши яшайман, деб. Минг афсуски, бир марта яшайсан, бунинг устига, умр жуда киска.

Уни кандай келажак кутяпти ўзи? Ўн йилдан сўнг нима бўлади? Балки эрининг иши юришиб кетар, пули ҳам кўпаяр, боринг-ки, уй ҳам, машина ҳам топилар? Лекин унда бари бефойда-ку! Ахир, "хотин киши ўттизда – ўтин", дейишади. Унда бойлигини бошига урадимми?

Гулшан карама-карши ўйлар, бир-бирига ўхшамас турфа режалар гирдобига тушиб колган эди. Паришон холатда ўрин солиб, кўрпага киргандан буён салкам бир соат ўтдию, ухлолмасди. Тана хоргин, аммо кўзга уйку келса кани? Хаёл кургур боягина содир бўлган воқеага кўчаверарди. Гоят ахмоклик килди-да, ўзи! Турмуши ёмонми? Эри бор, фарзанди бор. Тургани уй, егани овкат мухайё, кўп ҳам ялангоч колмаган. Эрининг кўли кискалигини хисобга олмаса, бинойидек йигит. Хар сўзига жавоби "хўп!" Яна нима керак сенга, ношукур банда?!

Гулшан телба-тескари ўйлар билан қачон ухлаб колганини билмади. Эрталаб ўтган ишларни барини унутиб юбораман, деб ўйлаганди. Аммо бундай бўлмади. Ўрнида ётаркан, кечаги лззатли дамларни хозир ҳам ширин илинж билан кўмсаётганини сезиб колди. Бу машъум хиёнаткорона истакни вужудидан кувмокчи бўлди. Аммо хиссиётлар ўзига бўйсунмасди. У икки ўт орасида колган эди. Бир томонда шохона хаёт, маликаларникидай ясан-тусан, шинам безатилган хонада товус янглиг юриш завки кўнглини китиклаб кўярди. Иккинчи ёқдан мабодо "у ишлар" фош бўлиб колганида кайнона ва эрининг, уйидагиларнинг кандай ахволга тушишини, ишхонадагиларнинг шивир-шивирини хис этиб, юрагини кўркув ва номус пармалайди.

Барибир Мавлоннинг сиймоси кўз олдига келаверди. Тарозининг у турган палласи босиб кетаверарди. Хайрлашаётиб "агар учрашиб турсак, мана шу квартира бизники бўлади, бир танишимдан ижарага олдим", деди. Аммо Гулшаннинг бунга ишонгиси келмади. Кайси гўсхўр шундай беками-кўст уйни ижарага бериб кўярди. Албатта у Мавлоннинг ўзиники. Факат сув лойкаланмасин, деган бахонада шундай йўл тутган. Иннайкейин, гап квартирада ҳам эмас эди. Мавлоннинг ўзини сал викор билан тутиши ҳам, ишхонадаги обрўси ҳам, Гулшанга бўлган эътиборию уни кўллаб туриши ҳам, колаверса, эрига нисбатан бир неча баробар сахийроклиги ҳам жувонга жуда-жуда хуш ёкарди.

Хатолари уни кўп эзди. Минг томонни ўйлади, юз хил режа тузди, бир неча бор карорини ўзгартирди. Гохо ўзини ўксик сизди, гохида уни шу кўйга солгани учун эридан ўч олиш хисси голиб келди. Гулдай умри мана шу тўкилиб турган ховлида ўтиб кетаётганига гўё у айбдор эди.

Ўшанда эр-хотин ўртасига биринчи, аммо каттагина рахна тушди. Уч кундан кейин эри келди. Икковлон яхши кўришишди. Гулшан бир-икки кун "томир ушлаб" юрди. Аммо эридан на садо чикди, на эътибор кўрди. У Рахимнинг бу гаплардан хабар топиб, уни ўласи килиб калтаклашини хохларди. Шунда у ўз айбларини бироз ювган ва иккинчи хиёнатга юз бурмасликка касамёд килган бўлармиди? Йўк, кутгани чикмади. Хафта охирида ишдан сўнг бир лозимандани бахона килиб яна ўша шинам квартирага – Мавлоннинг хузурига жўнади. Бу гал ташаббус жувоннинг ўзидан чикди...

У ердан бир кийим янги урфга кирган кимматбахо кўйлакли мато билан кайтди. Бу гал кайнонасининг кўнгли нимадир сизди шекилли, хар бир кадамидан нукс топиб, ўтирса ўпок, турса сўпок килаверди. Бунга Гулшан тутокмади ҳам, хайрон бўлмади ҳам. Она-боланинг жигига тегиш учун ўзини бепарво тутар, "ади" деса, "бади" деб жавоб кайтарар эди.

Икки ой деганда Рахим суюкли хотинининг анчадан буён хиёнат килиб юргангани англади. Ўзини у ёкка урди, бу ёкка урди. Бориб Мавлон билан муштлашмокни ҳам ўйлади. Аммо кеч эди. Хотинини ҳам, бахтини ҳам бой бериб кўйганини сезиб турарди. Жанжални каттарок кўтарайин деса, махалла-кўй, кариндош-уруг, ишхонадагилар ўртасида шарманда бўлгани колади. Эркак учун бундан ортик жазо бормикин, ўзи? Индамай ажрашиб кетаверса, кўз очиб кўрган хотини, бу ёкда бола етим, яна уйланиш осон эмас.

Боши котди. Бир кечада сочига ок тушди. Ўзининг лапашанглигини, бепарволигини лаънатлади. У тинмай ховлида юрар, бошини чангаллаб "ух" тортарди. Хамма нарсани унутиб яшаб кетаверай деса, эркаклик гурури асло йўл қўймайди. Ахир, эшитганлар қўлини бигиз килмайдими, чекка-чеккада гийбатини кизитишмайдими, таъна-маломат тошларини отишмайдими? Шунча йил яшаб, Рахим биринчи марта такдирнинг бундай жумбогига дуч келган эди. Икки ўт орасида ковурилиб, боши берк кўчага кириб колган эди.

Охири хамияти устун келди. Негадир хотинининг сумкасини ховлига отди. Кейин овозининг борича кичкирди:

– Йўкол, бу ховлидан! Нахс босган башарангни кайтиб қўрмайин!

Хозиргача хотиржам турган Гулшан унинг вазохатидан бироз чўчиди. Аммо сир бой бермай, охиста гапирди:

– Хайдамасангиз ҳам кетаман! Бунака курумсок, огзидан ошини олдирадиган эрга жа кўзим учиб турмаган эди.

– Тезрок йўкол, акс холда ё сени, ё ўзимни бирор нарса килиб қўяман!

– Э, агар бу қўлингиздан келганида эҳтимол мен бу ахмокликни килмаган бўлармидим? Хай, пешона экан, кетаман. Кўчларга кейинрок келарман. Аммо бир нарсани айтиб қўяй. Мендан кейин кимга уйланасиз билмадиму, агар шу рўзгор тутишингиз бўлса, ундан ҳам айриласиз. Хозирги аёллар топиб келган юз эллик сўм маошингизга каноат килиб ўтиролмайдими.

Рахим индамади. Унда гапиргани мажол колмаган эди. Гулшан тинмай йиглаётган

кизини кийинтирди. Зарур кийимларини тўрхалтага солди. Остонада бошини чангаллаб ўтирган эрига, кўзларида нафрат ва мунг билан какшаганича келинни каргаб колаётган кайнонага бир-бир назар ташладию, кўчага отилди.

(Давоми бор...)

Ахмад МУХАММАД ТУРСУН